

NS jadi 'negeri kebun'

NEGERI SEMBILAN bakal menjadi negeri 'kebun pertanian' sekali gus menjadi pengeluar makanan kepada Lembah Klang.

Pengerusi Jawatankuasa Pertanian dan Industri Asas Tani, Datuk Hasim Rusdi berkata, matlamat itu berikutan kedudukan negeri ini yang hampir dengan Lembah Klang.

"Kita akan memajukan sektor pertanian di negeri ini dengan lebih giat dan telah kenal pasti beberapa tanaman yang akan menjadi bekalan utama ke Lembah Klang.

"Hasrat kerajaan negeri dan pusat ini mampu membantu meningkatkan pendapatan petani dan orang kampung apabila industri pertanian berkembang selak," katanya.

Menurutnya, tanaman kelapa pandan bakal menjadi tanaman utama di negeri ini berikutan permintaan bekalan itu semakin meningkat kini.

"Tanaman kelapa pandan mampu membawa hasil jualan yang tinggi sekali gus meningkatkan pendapatan petani berikutan hasil jualan bulanan lebih tinggi daripada tanaman kelapa sawit.

"Pendapatan tanaman kelapa sawit hanya dalam lingkungan RM1,000 hingga RM2,000 sebulan sedangkan kelapa pandan mampu mencapai RM2,000 hingga RM3,000," katanya kepada *Sinar Harian*.

Hasim yang juga Adun Labu berkata, kerajaan negeri sedang mengenal pasti tanah terbiar seluas 72 hektar di Labu untuk dijadikan



Hasim (kiri) dan isterinya, Datin Salemah Shahardin (kanan) juga terkenal di Dun Labu kerana kemesraannya dengan masyarakat berbilang bangsa.

kawasan pertanian kelapa pandan.

"Tanaman kelapa pandan memerlukan tempoh tiga tahun untuk membawa hasil. Dalam tempoh itu, kita juga akan menanam labu sebagai tanaman tumpang di kawasan tersebut.

"Kita juga akan menjadikan Labu sebagai lokasi pengeluar tanaman labu, sinonim dengan

nama tempatnya," katanya.

Katanya, selain sektor pertanian, penerangan haiwan dan perikanan juga akan diutamakan dalam tempoh lima tahun ini.

"Kerajaan negeri berusaha memajukan sektor perikanan di negeri ini agar mampu menyumbang sebanyak 40 peratus kepada sektor perikanan negara," katanya.

► DATUK HASIM RUSDI
Exco Pertanian dan
Industri
Asas Tani

PROFIL



NAMA: Datuk Hasim Rusdi

UMUR: 55

TARIKH LAHIR:
20 Mac 1958

TEMPAT LAHIR:
Chuah, Port Dickson

STATUS:
Berkahwin

ISTERI: Salemah Shahardin

ANAK: 9

HOBII: Membaca

IDOLA: Rasulullah SAW

PENDIDIKAN:

- Sekolah Kebangsaan Kampung Sawah, Bukit Pelandok, Seremban
 - Sekolah Menengah Kebangsaan Port Dickson
 - Sekolah Menengah Tengku Ampuan Durah Seremban
 - Maktab Perguruan Raja Melewar Seremban, Negeri Sembilan
 - Maktab Perguruan Ilmu Khas, Cheras Kuala Lumpur
 - Universiti Putra Malaysia, Serdang
- JAWATAN DALAM PARTI
- YANG DISANDANG SEKARANG:
- Ketua Umno Bahagian Rasah Negeri Sembilan
 - Setiausaha Badan Perhubungan Umno Negeri Sembilan
 - Setiausaha Barisan Nasional Perhubungan Negeri Sembilan
 - Pengurus Penyelaras Barisan Nasional Parlimen Rasah